



I.- AVALIACIÓN PARA O CURSO 2021-22

ESO

A.- 3ª AVALIACIÓN: A partir do 6 de xuño. A nota correspóndese exclusivamente coa nota da 3ª avaliación.

B.- AVALIACIÓN ORDINARIA: A partir do día seguinte do último día de clases que será o 22 de xuño.
A nota correspóndese coa nota final do curso. (Non hai avaliación extraordinaria).

C.- Nas dúas semanas comprendidas entre a 3ª avaliación e a avaliación ordinaria o alumnado ten a obriga de asistir ás clases:

a).- aqueles alumnos e alumnas que teñan algunha/as avaliación/s suspensas poden superalas durante esas dúas semanas de clase mediante un programa de recuperación que estableza o profesor/a.

b).- aqueles alumnos e alumnas que teñan o curso aprobado por ter as tres avaliacións superadas, poden mellorar a nota final a través dun programa de ampliación que estableza o profesor/a.

BACHARELATO

A.- 1º BACHARELATO

AVALIACIÓN ORDINARIA: a partir do 6 de xuño. Correspóndese coa avaliación final do curso

AVALIACIÓN EXTRAORDINARIA: A partir do día seguinte do último día de clases que será o 22 de xuño. Para o alumnado que teña materias suspensas na avaliación ordinaria.

B.- 2º BACHARELATO

AVALIACIÓN ORDINARIA: 18 de maio.
Reclamacións: 19 e 20 de maio

AVALIACIÓN EXTRAORDINARIA: partir do 23 de xuño.
Reclamacións: 27 e 28 de xuño



II.- PROMOCIÓN E TITULACIÓN

ESO

Promoción

Acadará a promoción dun curso a outro o alumnado que **superase as materias ou os ámbitos cursados ou teña avaliación negativa nunha ou dúas materias**, considerándose para o cómputo as materias non superadas do propio curso e as de cursos anteriores.

Ademais dos casos anteriores, o equipo docente poderá decidir a promoción dunha alumna ou dun alumno, sempre que se cumpran tamén todas as condicións seguintes:

- a) Que a media aritmética das cualificacións obtidas en todas as materias en que estea matriculada/o nese ano académico sexa igual ou superior a cinco.
- b) Que o equipo docente considere que a natureza das materias non superadas lle permite seguir con éxito o curso seguinte, tendo en conta que non se producira unha inasistencia continuada e non xustificada por parte da alumna ou do alumno na/s materia/s ademais de que a alumna ou o alumno se presentase ás probas, e realizara as actividades necesarias para a súa avaliación.
- c) Que o equipo docente considere que ten expectativas favorables de recuperación.
- d) Que o equipo docente considere que a devandita promoción beneficiará a súa evolución académica.

O alumnado que acade a promoción de curso con materias sen superar deberá seguir un plan de reforzo en cada unha desas materias, destinado á súa recuperación e á súa superación.

Titulación

A decisión de promoción do alumnado será adoptada de xeito colexiado, atendendo á adquisición das competencias establecidas e á consecución dos obxectivos da etapa.

Obterá o título de graduado en educación secundaria obrigatoria o alumnado que supere todas as materias ou ámbitos cursados.



O equipo docente poderá decidir a obtención do título por parte dunha alumna ou dun alumno, sempre que se cumpran tamén todas as condicións seguintes:

- Que a media aritmética das cualificacións obtidas en todas as materias en que estea matriculada ou matriculado nese ano académico sexa igual ou superior a cinco.
- Que a xuízo do equipo docente a alumna ou o alumno adquirise as competencias establecidas.
- Que a xuízo do equipo docente a alumna ou o alumno alcanzase os obxectivos da etapa.

BACHARELATO

Promoción

As alumnas e os alumnos acadarán a promoción de primeiro a segundo de bacharelato cando **superen as materias cursadas** ou teñan **avaliación negativa en dúas materias como máximo**. Para os efectos deste punto, só se computarán as materias que como mínimo a alumna ou o alumno deben cursar en cada un dos bloques.

No bloque de materias de libre configuración autonómica só se computará Lingua Galega e Literatura, con independencia de que as alumnas e os alumnos poidan cursar máis materias deste bloque

Titulación

Para obter o título de bacharel cumprirá a avaliación positiva en todas as materias dos dous cursos de bacharelato.

Excepcionalmente, o equipo docente poderá decidir a obtención do título de bacharel por unha alumna ou un alumno que superase todas as materias agás unha, sempre que se cumpran ademais todas as condicións seguintes:

- Que o equipo docente considere que a alumna ou o alumno alcanzou as competencias e os obxectivos vinculados a ese título.
- Que non se produciu unha inasistencia continuada e non xustificada por parte da alumna ou do alumno na materia.
- Que a alumna ou o alumno se presentou ás probas e realizou as actividades necesarias para a súa avaliación, incluídas as da convocatoria extraordinaria.



d) Que a media aritmética das cualificacións obtidas en todas as materias da etapa cursadas que como mínimo se requiran para a obtención do título pola modalidade pola que se remata sexa igual ou superior a cinco.

III.- CRITERIOS PARA A CONCESIÓN DE MATRICULAS DE HONRA

Matrícula de honra en 4º ESO

As alumnas e os alumnos que, logo da avaliación final do cuarto curso, obtivesen unha nota media do cuarto curso igual ou superior a nove puntos poderán recibir a mención de matrícula de honra. A devandita mención poderá concederse, como máximo, a un número de alumnas ou alumnos igual ao enteiro máis próximo ao 5 % do total de alumnado matriculado no centro docente no cuarto curso.

Criterios a seguir en caso de empate: (deben ser obxectivos e públicos.)

1º mellor nota media en 3º ESO

2º Maior nota media na etapa 1º, 2º e 3º

3º No caso de que persista o empate, procederase ao sorteo público ao día seguinte hábil de celebrarse as sesións de avaliación.

Matricula de honra en Bacharel

ato

O alumnado que, logo da avaliación final ordinaria do segundo curso, obtivese unha nota media do segundo curso **igual ou superior a nove puntos** poderá recibir a mención de matrícula de honra. A devandita mención poderá concederse, como máximo, a un número de alumnas ou alumnos igual ao enteiro máis próximo ao 5 % do total de alumnado matriculado no centro docente no segundo curso de bacharelato.

Criterios a seguir en caso de empate recollidos no Proxecto Educativo de Centro

1º Nota media de 2º de Bacharelato sen ter en conta os redondeos, para poñer a nota con números enteiros. Para garantir a transparencia do proceso, antes de comezar a avaliación o profesorado fará pública á xunta avaliadora a nota real da alumna ou alumno sen redondeos.

2º Mellor nota media no expediente de 1º de Bacharelato

3º No caso de que persista o empate, procederase ao sorteo público ao seguinte día hábil despois de celebrarse as sesións de avaliación.



IV.- REGULAMENTO PARA PARTICIPAR NAS ACTIVIDADES DE DINAMINACIÓN E EXTRAESCOLARES ORGANIZADAS POLO CENTRO

Para actividades a realizar dentro do centro con periodicidade mensual ou trimestral

- 1.-No caso de ter un apercibimento leve, o alumno/a estará a semana seguinte sen participar en actividades.
- 2.-No caso de sumar un segundo apercibimento leve, o tempo sen participar nestas actividades será o mes seguinte.
- 3.-No caso de incurrir nun terceiro apercibimento ou nunha falta grave: prohibición de participación nestas actividades durante o trimestre.

Para saídas fóra do centro

- 1.-No caso de acumular ata dous apercibimentos, prohibición de participar en calquera actividade como mínimo durante o trimestre enteiro.
- 2.-No caso de cometer algunha falta grave:
 - a)Perda do dereito a asistir a calquera actividade fóra do Centro durante todo o curso
 - b)Se mellorase a súa actitude ao longo do curso, poderíase reconsiderar a posibilidade de participar en saídas fóra do Centro.